

佛日普照慧辨楚石禪師語錄卷第六 巍十

侍 者 良 彦 編

代別

上堂赤肉圍上壁立千仞還有商量分也無
代作掀倒禪牀勢或云語不離巢道焉能出
益縗古今佛祖言教如恒河沙什麼處是他
舉一滲漏處代云寰中天子塞外將軍一日云舉
不顧即差互擬思量何刼悟莫有人出得此
語麼代搖手而已又云維那不在又代云千
日斫柴一日燒

上堂擾擾匆匆晨鶴暮鐘你道那一人在三
界內三界外代云不經一事不長一智有時
云說禪說道易成佛作祖難代云近日世界
不好又云近日世界不好雲門大師拈了也
不要代云有什麼了期或云日就牕牕就日

人搬柴柴搬人甕吞蛇蛇吞甕與麼說話一
去三十年不要提著提著打折你腰代云悔
不慎當初又云彼此

上堂應緣而化物方便呼爲智若不方便喚
作什麼代云突出難辨又云轉掃轉多或云
日用事無別爲什麼昨日栽茄子今日種冬
瓜代云一擔兩桶又云分付與典座

上堂了即業障本來空如今作麼生了代云
洗脚上船有時云如許多時雨水無根樹子
長多少代云芽尚未全又代云或則穿沙或
則逗石或云無邊身菩薩不見如來頂相即
且置你道如來還見無邊身菩薩頂相麼代
云事不孤起或云我不見一法在門外猶是
門外句作麼生是門內句代云還見儂家麼
又代云此去西天十萬八千

上堂在天天中尊在人人中尊畢竟是天耶人耶代云噫

上堂拄杖橫挑日月鉢盂倒覆乾坤如何是行脚事代云此去客亭不遠一日云大耳三藏第三度不見國師國師在什麼處代云曲不藏直或云心不是佛智不是道猶是水母借鯛爲目生機一路熟椀鳴聲總不與麼眉須墮落諸人作麼生代云惡又云賊是小人又云消得龍王多少風

上堂古人道二龍爭珠有爪牙者不得意在於何莫是不爭者得麼龍在這裏珠在什麼處代云什麼處去來又云且莫造次又云百襍碎一日云明眼衲僧好與二十拄杖過在什麼處代云伏惟尚享又云一箇閒人天地

上堂說則千句萬句如錦上鋪花不說則盡
大地人竝皆亡鋒結舌如無孔鐵鎚相似說
與不說拈了也作麼生代云一堵牆百堵調
又云某甲不會或云王索仙陁婆一名四義
王不索時義在阿那頭代云風不來樹不動
又云一筆勾下

上堂三世諸佛骨髓六代祖師眼睛應是從
前肯重底盡情颺却管取一員無事道人代
云穿却鼻孔又云棒上不成龍又云朝三千
暮八百或云殺人刀活人劍上古之風規今

時之樞要用則星飛火逆不用則浪靜風恬
卷三
諸人作麼生話會代云口挂壁上又云這野
狐精又云點

上堂江東西湖南北到處行脚也會聽尊宿
說話來且道那一句最親切代云一札十行

又云兩重公案又云掩耳便出

上堂城東老母不願見佛爭奈冤家難脫離
如今不要見佛有什麼難以手掩面云見箇
什麼代云轉近轉疎又云青天白日又云且
喜沒交涉或云但莫憎愛洞然明白衲僧到

這裏便道我只管閑坐困眠更有什麼事忽然
拈山門來佛殿裏將佛殿向燈籠上你又
作麼生商量代云物見主眼卓豎又云不得
春風花不開又云舌是斬身之斧

上堂若一毫頭凡聖情念未盡不免入驢胎

馬腹裏去則固是設使一毫頭凡聖情念淨

盡因什麼亦未免入驢胎馬腹裏去代云劄
又云有利無利不離行市

上堂萬里神光頂後相你道雪山南面即今
有什麼人代云餽湯無冷處又云夜暗晝明

又云泊合錯下註脚有時云拈一放一這邊
那邊膠盆子相似直須揮劍若不揮劍漁父
棲巢如今作麼生理會代云合取口又云月
似彎弓又云七穿八穴

上堂真如凡聖菩提涅槃有時舒有時卷舒

也攢花簇錦不露鋒鎚卷也削迹収聲全無
向背高高處觀之不足低低處平之有餘前
三三後三三作麼生會代云一口針三尺線
又云入水見長人又云莫塗污人好或云三
界無法何處求心代云眼不見鼻孔又云小

魚吞大魚又云這掠虛漢

舉手

四

上堂不用朝參暮請也只是箇仲冬嚴寒添
一毫不得減一毫不得代云用盡自己心又
云腦後少一椎在又云寐語作麼或云離却
四大五蘊阿那箇是你主人公代云全火祇

候又云入石三分又云兩箇有時云一毛頭
師子百億毛頭一時現現即不無作麼生收
代云藏頭露尾又云不消一捏又云善來文
殊

上堂毫釐有差天地懸隔毫釐不差天地懸
隔直饒明得也是蝦蟆窟裏出頭代云腦後
見腮又云一得一失又云少賣弄有時云保
福有願不撒沙因什麼却撒代云口甜心苦
又云看看落在眼上又云自屎不覺臭或云
盡大地是般若光光未發時向什麼處摸索
代云天上星地上木又云這漆桶又云冰消

瓦解

上堂即今休去便休去欲覓了時無了時你
諸人了得也未代云遇飯喫飯遇茶喫茶又
云明月照見夜行人又云餽餅裏覓甚汁或

云動若行雲止猶谷神不動不止作麼生辯
代云野狐過水又云相隨來也又云一錙破

三關

上堂不受是眼將來的必應是瞎你道老胡
十萬里西來將得箇什麼來既是不將來此
土亦無受者可謂彼旣丈夫我亦爾與麼說
話已是謗祖師作麼生免得此過代云謝三
娘不識四字又云勞而無功又云當爐不避
火迸或云三界惟心萬法惟識你尋常見露
柱喚作什麼若喚作露柱又是心識若喚作
心識又是露柱畢竟喚作什麼代云坐斷天
下舌頭又云大斧斫不開又云築著鼻孔

上堂靈山密旨迦葉親聞少室單傳神光默
契諸人來這裏還知天寧有譁麼代云也不
消得又云實謂罕聞又云和泥合水有時云

太陽溢目萬里不挂片雲拈却青天喫棒合
下得箇什麼語代云矢上加尖又云一任跨
跳又云囉羅哩羅囉哩或云直下是直下是
直下是什麼代云鐵蛇橫古路又云多少人
踏不著又云與你拈將來看

上堂揚眉瞬目敲牀豎拂向上向下說心說
性總是依草附木精靈格外提持泥裡洗土
塊還有爲人處也無代云却較些子又云把
纜放船又云烏龜入水或云免馬有角牛羊
無角你作麼生商量代云如理如事又云棒
打石人頭又云倒退三千里

上堂諸方老宿盡道我接物利生檢點將來
大似漫天網子十有九箇墮在其中了事衲
僧終不受他籠罩有麼有麼一僧出禮拜師
云如今日是什麼時節出頭來僧無語代云

某甲罪遇或云日可冷月可熒衆魔不能壞
真說且如何是真說代云怕爛却那又云痛
領一問又云山河大地

上堂昨日晴乾鵲鳴今日雨鶴鳩語趙璧本
無瑕相如誰秦主隨時及節一句作麼生道
代云日日是好日又云君子可入又云東壁
挂葫蘆或云開眼也著合眼也著佛祖出來
作什麼代云明破則不堪又云日中逃影又
云功德天黑暗女

上堂直得無一法可當情猶未是衲僧行履
處作麼生是衲僧行履處代云話墮也又云
驗在目前又云脚下泥深三尺有時云悟則
剎那間操履須長久上無攀仰下絕已躬喚
作道人暫時岐路光前絕後一句作麼生代
云說夢又云皮下還有血麼又云胡地冬抽

第

上堂爲無爲益無益梯航九有津濟四生未必善因而招惡果什麼處著得此人代云當陽揮寶劍又云一榦在手又云石上栽花或云不與一法作對便是無證三昧恁麼則門前樹子消得人天供養也代云且莫錯會又云舌頭無骨又云刹竿頭上仰蓮心

師室中示衆云開口不在舌頭上作麼生問

六隻骰子滿盆紅作麼生賽頂罩燒鐘一萬斤作麼生出知從心起爲什麼心不知心見從眼生爲什麼眼不見眼衆生即是諸佛迷從什麼處來諸佛即是衆生悟從什麼處發一切智通爲什麼明前不明後無邊行滿爲什麼論果不論因日月行四天下爲什麼不周世界在一塵中爲什麼不大

師一日出城逢僧緣化師拈起鉢問云如許大鉢盂盛得多少飯僧云有什麼布施快下將來師云太無厭生僧無語代云餽驢餽馬師一日出門迎接次僧問開門待知識知識不來過不來過者是什麼知識師便不審僧云和尚見箇什麼師云好心不得好報僧無語師云一狀領過

師一日因送亡僧僧問亡僧遷化向什麼處去師云識得來處即知去處僧云畢竟從什麼處來師云石牛沿江走一馬生三寅僧云與麼則無來處也師云你適來問什麼僧擬議師便打

師一日因修佛殿問掌事僧這殿是什麼年中蓋造僧掘露柱云何不祇對和尚師云克由時耐倒來這裡持虎須三十棒一棒也不

恕僧云容某甲申說便禮拜師云且放過一
著

師一日除草次僧問有根草任和尚除無根
草作麼生除師鉗地一下僧便放身倒師云
諸方火葬我這裏活埋僧起走師呵呵大笑

舉

八

師在鳳山一日入省次高右丞問禪分五派

教列三乘教則不問如何是禪師云正值歲
朝公讌高云達磨西來不立文字直指人心
見性成佛佛在什麼處師云管絃襍選朱紫
熒煌高云莫便是長老見處麼師云不敢高
云容在別日說話師云諾諾便退

師在壽山一日栽松次僧問這一片山擬栽

多少松師云三十萬株僧云莫太多麼師云

一一教他蓋天蓋地去僧云昔年臨濟今日

壽山師云且得闍黎證明僧云只如臨濟以

文

鉗頭築地三下黃檗道吾宗到汝大興於世
爲復只記臨濟一人爲復通囑後嗣師云一
點墨水兩處成龍僧云一與山門爲境致二
與後人作標榜和尚作麼生師豎起鉗頭僧
云與麼則超出古人也師拋下鉗頭便歸方

丈

師一日忽聞鐘聲起立合掌云觀世音菩薩
舉大慈悲菩薩僧云即今在什麼處師云却歸
南海去也

師一日華嚴座主相訪師問座主華嚴有幾

九

種法界主云四種法界師云即今在那箇法
界中主罔措師云理事無礙也不會主云我

舉會也師云鄭州出曹門

師一日與衆觀雪次問僧好雪麼僧云好在
什麼處師指雪良久云會麼僧云不會師云

無火凍死的有什麼數

師一夕在中庭與僧望月次僧指月問師那
一半得什麼明這一半得什麼暗師云明者
從他明暗者從他暗僧云十五夜圓時暗向
什麼處去師云也與三十不較多僧云恁麼

則全無明暗也師云還見真月麼僧云如何
是真月師云不照燭僧云不照燭時如何師
云多少人撈天摸地僧云莫祇這便是麼師
云猶是影在僧擬進語師便喝

師一日赴施主齋問僧借座燈王取飯香積
今日供養何似生僧云難消師云急須吐却
僧云將什麼報答施主師拈起鉢盂云你也
隨例得飯喫僧無語師云苦哉佛陀耶
師一日因座主來參問云講什麼經主云法
華經師云經中道是真精進是名真法供養

如來是否主云是師云供養即不無如何是
真法主云具在藥王菩薩品師云將謂是金
毛師子元來却是野干眷屬主云如何是真
法望和尚慈悲指示師云汝豈不從天台來
主云是師云天台山高一萬八千丈頂上著
得幾人主無語師云喫茶去

師一日受齋諸山既至百戲皆集齋畢有一
長老問云適來鬧浩浩而今靜悄悄鬧浩浩
的向什麼處去也師云大家在這裏長老云
本來無一事變現百千般師云彼此出家兒
舉手
放教肚皮大長老云只如雪峯三到投予九
上洞山還有這箇道理也無師云我見燈明
佛本光瑞如此長老便喝師亦喝復云因風
吹火用力不多便打長老云莫盲枷瞎棒師
云你但喫棒我要這話行

師一日示衆云老僧泰定元年正月十一日
綵樓在崇天門外其時五更樓上箭發射透
二十四面金鼓自此天下太平僧便問如何
是箭師云十字街頭折筋莖有演福潤法師
者問云我聞和尚投機頌云崇天門外鼓騰

騰慕劄虛空就地崩捨得紅爐一點雪却是

黃河六月冰六月氷在什麼處師展兩手法
師無語師云向下文長付在來日

師一日因施主送楊梅僧就盒拈起問師云
一般楊梅爲什麼有赤有白師以盒子合却
云見箇什麼僧無語師又揭開盒云聾僧又
無語師云你只是箇無開合漢

師一日入經寮見僧看經問云看的是什麼
經僧云金剛經師云我不問你金剛經看的
是什麼經僧無對師召寮元來日不得上案

師一日與僧觀稻次僧問春種一粒穀秋收
萬顆子四海無閒田農夫猶餓死爲復根苗
有異爲復天澤不齊師云疎田不貯水難怨
碧潭龍僧云與麼則時人失望也師云你尋
常喫箇什麼僧無語師云這孙恩負德漢便

打

師因元宵殿堂上燈次僧問如何是本來燈
師云猶是今日事僧云今日事本來燈不什
麼交涉師指燈云一二三四五僧云謝和尚
指示師云劍閣路雖險夜行人更多僧無語
師代云切忌鑽龜打瓦

師一日因僧送拄杖師云莫從天台得麼師
云不從天台得師云莫從南岳得麼僧云不
從南岳得師云從什麼處得僧度拄杖師豎
起云是體是用僧云拈也從體起用放也攝

用歸體師云你與麼來只得其體不得其用

僧云和尚與麼舉只得其用不得其體師卓

一下靠拄杖云體用一時收

師應詔赴都書金字藏經一日入內殿呈卷

次有學士問云以字不成八字不是是什麼

字師舉筆云金滴滴地士云信受奉行去也

師云學士也不得草草士乃禮謝

師一日遊山見兩頭路問僧東去西去僧云

請和尚鑑師便行至中路問僧此去峯頂幾

里僧云三里師云路逢猛虎時如何僧作虎

聲師便打云今日等閒打著一虎僧不肯師

云分曉記取舉似作家

師一日有數僧來參師問參頭名什麼僧云

普通師云普即不問如何是通僧側身叉手

而立師云你擬鼻孔裏祗對我僧無語師云

第二第三不勞再勘同坑無異土便打

師一日入城探官回僧問和尚出入不易師
云夜來好風僧云夜來好風師云明日定有

雨僧無語師云噓噓

師一日入園問園頭瓜熟也未頭云熟來久

矣師云甜瓜摘一顆來頭取瓜與師云大刀

三十口師云飽叢林

師一日索麵次有僧來參師引麵示之僧珍
重便出師召僧僧回首師云有口不得麵喫
者多

師一日採瞿粟次問僧瞿裏有幾粟僧剖粟
便瀉師云不得亂瀉僧云不亂瀉時如何師
云驢年會麼

師一日與數僧觀海次僧問祇是一片水因
什麼喚作海師云祇是一片海因什麼喚作

水你且道源從何來僧云從一滴來師云一
滴又從何來僧無語師云這箇無地頭漢不

打更待何時連打數棒別喚一僧近前云請

上座代一轉語僧擬議師亦打又有一僧出
云某甲却道得師云你作麼生道僧珍重便

舉子

行師亦打

師一日因僧點茶問云今日爲什麼人點茶
僧云特爲和尚師云恰值老僧不在僧便行
茶師却縮手僧擬議師撲破蓋子便歸方丈
師一日過隣菴問僧庭下是什麼花僧云怕
瘞花師云花爲什麼怕瘞僧云一家有事百
家忙師別云鼓角動也

師一夜與僧暗坐童子點燈來師問兩箇相
似一箇是影那一箇是什麼僧無語師代云

更問阿誰

無著與文殊茶次殊拈起玻瓈盞云南方還
有這箇麼著云無殊云尋常將什麼喫茶著
無語代云點即不到

阿育王問賓頭盧承聞尊者親見佛來是否
盧以手撥開眉云親見佛來王無對代云宿
生多幸

漢國有一菴主遇帝出遊人報云大王來請
起主云非但王來佛來亦不起帝宣問佛豈
不是汝師主云是帝云弟子見師因什麼不
起主無語代云欲觀其師先觀弟子

迦葉踏泥次有一尊者問云何得自爲葉云
我若不爲誰爲我爲者無語代云令人疑著
武帝問達磨如何是聖諦第一義磨云廓然
無聖帝云對朕者誰磨云不識代云大師早
晚離西天

太宗皇帝問僧什麼處來僧云卧雲帝云卧

雲深處不朝天因甚到此僧無對代云雲開日現

寂大師進三界圖帝問朕居何界寂無語代

云陛下天垂海外

卷十

十四

王太傅迎木佛至明招乃問忽遇丹霞來時如何招提起佛云也要分付著人代云今日

小出大遇

陸亘大夫問南泉筆法師也奇怪解道天地與我同根萬物與我一體泉指庭前華云時

薩嗔時刹利

卷十

陶相公見人犯法當死問僧云殺則違佛戒不殺又犯王法未審如何則是代云喜時菩

薩嗔時刹利

卷十

洪州大寧衆陳狀請第二座住持宋令公云何不請第一座代云令公愛把不定

有僧化金鍍佛官人云本望佛度弟子因什

卷十

麼弟子度佛代云物逐人興
韓侍郎與筆論主茶次乃問聞座主講得肇論是否主云不敢韓云有物不還義是否主

云是韓乃撲破盞云這箇是什麼義主無對

代云又被風吹別調中

僧問趙州學人乍入叢林乞師指示州云喫粥了也未僧云喫粥了也州云洗鉢盂去僧有省代云更不忉忉

裴相國參石霜霜奪笏問云在一人手裏爲

主在公手裏爲笏在老僧手裏喚作甚麼國無對代云渠無名字

方世界只在目前

韓侍郎與筆論主茶次乃問聞座主講得肇論是否主云不敢韓云有物不還義是否主

云是韓乃撲破盞云這箇是什麼義主無對

湖南護國僧抄化次官人問既是護國唐家

三百年社稷何在代云只是舊山河

韶山訪李副使次李令人傳語云正與祖師

談話也代云祖師說箇什麼

洞山行脚次見一官人云我要註三祖信心
銘得否山云只如纔有是非紛然失心作麼

生註代云裝香著

高舍人看鏡燈乃問僧云十方總是佛身那
箇是報身那箇是法身代云報身法身

陳操尚書齋僧次乃自行食僧方展手書却

縮手僧無對書云果然代云久知尚書不憊

又齋僧次亦自行食至首座前云請施食座

云三德六味書云錯代首座敲鉢作聲

十一祖問十二祖云汝非諸佛十二祖云諸

佛亦非代云非吾弟子

龐居士問馬祖不與萬法爲侶者是什麼人

祖云待汝一口吸盡西江水即向汝道代云
將謂有多少奇特

耽源禮拜馬祖乃就地畫圓相便拜祖云汝
擬作佛那源云某甲終不捏目代云七棒對

十三

南源云快人一言快馬一鞭僧云如何是一

言源云待我有廣長舌相即向汝道代云是
長是縮

鴻山云老僧百年後向山下檀越家作一頭
水牯牛脇下書鴻山僧某甲當恁麼時喚作

鴻山僧又是水牯牛喚作水牯牛又是鴻山
卷六

僧且如何則是代云東西南北一任縱橫
鴻山令侍者喚院主至鴻云我喚院主汝來
作麼代云怪某甲不得

鴻山又令喚第一座至鴻云我喚第一座汝

來作麼代云和尚慣得其便

僧叅鴻山山作起勞僧云請莫起山云我未
曾坐僧云某未曾拜山云何得無禮代云得
便宜是落便宜

仰山問僧什麼處來僧云幽州仰云我恰要

箇幽州信米什麼價僧云某甲來時向彼中
過無端踏折他橋梁代云日勢早晚也

仰山問僧名什麼僧云靈通仰云便請入露
柱代云有什麼交涉

仰山執杖行次僧問什麼處得來仰拈向背

來代云和尚莫謾某甲

睦州見僧來叅便喝云上座如何偷常住菜

子僧云某甲方到因什麼道偷菜子州云賊
物見在鬻代云也是倚勢欺人

雪峯問洞山入門須得箇語莫道早箇入來

了也山云某甲無口峯云還我眼來代云何
得當面諱却

雪峯問僧什麼處來僧云覆船峯云生死海
未渡因什麼覆却船代云一踏兩頭空

雪峯在洞山搬柴次乃對山拋下云重山云
重多少峯云盡大地人提不起山云因什麼
得到此代挑柴便行

雪峯問德山從上宗秉中事學人還有分否
山打云道什麼代云何必

雪峯問僧什麼處來僧云跋山峯云我以前
到時是事不足而今足也未僧云足峯云粥
足飯足代云千年常住一朝僧

雪峯見僧來峯云作什麼僧云禮拜和尚峯
云你向什麼處見老僧僧便珍重去峯隨後
與一踏僧倒地峯云這野狐精放你三十棒

僧無語峯云苦哉苦哉今時例皆如此代云
賺我來賺我來

興化因對御騎馬乃撲折腳歸院令院主作
兩箇拐子柱却乃遠廊行云說得行不得要
識跛腳師祇老僧便是代云老和尚口不救
脚

雲居令侍者送袴與菴主主云我自有娘生
袴者回舉似居居再令去問娘未生時著什
麼主無對代與侍者一踏云歸去舉似和尚
僧問雲居目瞳無影時如何代居云卧龍常
怖碧潭清

僧問古德乾坤之內宇宙之間中有一寶祕
在形山寶即不問如何是形山德展兩手僧
罔措代云通上孤危直下峭絕

僧問寶壽萬境來侵時如何壽云莫管他僧

便拜壽云莫動著動著即打折汝腰代云多
少人坐了起不得

南泉因兩堂首座爭猫兒泉拈起猫兒云道
得即救取道不得即斬爲兩段衆無語乃斬
之代云負命者上鉤來

僧參南泉乃叉手而立泉云太俗生僧合掌
泉云太僧生僧無語代云老老大大見人過
在

南泉見僧洗鉢盂乃奪却其僧空手而立泉
云鉢盂在我手裏汝口喃喃作什麼代云本

自不將來

南泉問良欽空劫中還有佛否欽云有泉云
是阿誰欽云良欽泉云居何國土欽無語代
就地作一圓相以足抹却

僧問龍牙如何是祖師西來意牙云待石龜

解語即向汝道僧云石龜解語也牙云向汝
道什麼僧無對代云不說不說

欽山問巖頭今生受施主供養來生作什麼
去頭以手點鼻山云何不向頂額上生頭推
出閉却門代叩門三下

黃檗問百丈從上諸聖以何法示人丈踞坐
檗擬進語丈云我將謂你是箇漢便入去代
云謝和尚重重相爲

趙州見投子教化乃問莫是投子否投子云

茶鹽錢布施將來州休去代云容到方丈

僧問洞山如何是祖師西來意山云待洞水
逆流即向汝道代僧云那箇無舌

趙州順世令僧馳拂子與趙王云此是老僧

一生用不盡的代王拈起拂子云靈山付囑
何似今日

興化問雲居權借一間爲探竿影草如何居
三次疊語不能對代居云上大人丘乙已

翠巒云一夏以來爲兄弟東語西話且看翠
巒眉毛在麼師云遲八刻

玄沙問僧近離甚處僧云瑞巖沙云近日有

何言句僧云常喚主人公云惺惺著他後莫
受人謾沙云一等弄精魂就中也奇怪上座
何不且住僧云已遷化沙云只今喚得應麼
僧無對代云終不借他人口

玄沙問鏡清不見一法是大過患且道不見
箇什麼法清指露柱云莫是不見這箇法麼
沙云浙中清水白米且從汝喫佛法未夢見

在代策起眉毛云聾

玄沙問僧近離甚處僧云德山沙云近日有
何言句僧云一日上堂衆纔集乃擲杖便歸

閉却門沙云錯舉了也僧問楷代云比來拋

甄引玉

雲門問僧近離甚處僧云江西門云江西一
隊老宿寐語住也未僧問楷代云鶴鷗語鶴
德山問龍潭久嚮龍潭及乎到來潭又不見

翠

二十一

龍又不現潭云子親到龍潭代掀倒禪牀

德山問維那今日幾人新到那云八人山云
喚來我與汝一時生按過那無對代云將頭
不猛累及三軍

明招在法雲一時揷火從食堂前過有僧云
這箇是衆僧的盜向什麼處去招乃轉火揷
云上座分上有多少僧無對招云這一隊漢
今夜總須凍死代云這賦

明招問國泰古人道俱胝念三行呪便得
名超一切人作麼生與他拈却三行呪便超

得一切人泰豎一指招云不因今日事爭見

得瓜州客奉無語代云未問以前錯

楊岐在九峯受請方下座峯把住云今日喜
得箇同參岐云同參事作麼生峯云九峯牽
犮楊岐拽耙岐云正恁麼時阿誰在前峯擬

議岐托開云將謂同參元來不是代擬議處

便喝於托開處云心不負人面無慚色

興化問克賓汝不久爲唱道之師賓云不入
這保社化云子會了不入不會不入賓云總

不恁麼化便打來曰化白樵云克賓法戰不

翠

王

勝罰錢作饋飯一堂仍趁出院代於總不恁
麼處別云不敢自謾代賓受打處云蒼天蒼

天

石室擣米次杏山見云不易室云有什麼不
易無心椀子盛將來沒底盤子托將去山無

對代云何得將常住物入衣鉢下用

丹霞問僧什麼處來僧云山下霞云喫飯也

禾僧云喫了霞云與汝飯的還具眼否僧無
對代云某甲行脚不逢人

徑山問僧什麼處來僧云天台來山云阿誰

問汝天台來僧無對代云與麼則參堂去也
鼓山點茶見僧來乃提起蓋云道得即與汝
茶喫僧無對代云阿誰無分

僧問忠國師百年後人問極則事如何國師

喝云幸自可憐生須要箇護身符作麼代云

賦不打貧兒家

法眼問修山主毫釐有差天地懸隔時如何

修云毫釐有差天地懸隔眼云恁麼會又爭
得修云某甲祇如是和尚又如何眼云毫釐
有差天地懸隔代云面赤不如語直

南泉問僧什麼處來僧云神山打羅來泉云
手打腳打僧無對代云更篩一和

洞山同密師伯入餅店密於地上畫圓相云
將取去山云拈將來密無對代云爭之不足
讓之有餘

僧問跋山索然便去時如何山云塞却虛空
向什麼處去僧無對代云什麼處去不得
漳江云大門一合十方無路有人道得擺手
出漳江師云猶隔海在

老宿送官次乃云老僧尋常不曾行此路官

人云尋常行什麼路宿無對代云尊官不問

老僧不答

施主人山行隨年錢僧云聖僧前下一分主
云聖僧年多少僧無語代云鉢盂無底

僧問古德得船便渡時如何德云棹在何人

手裏僧無語代云快便難逢

陸亘大夫問南泉大悲菩薩何處得許多手
眼來泉云如國家用大夫作什麼別云隨家
豐儉

梁朝藏法師令人傳語思大何不下山教化
衆生一向目視雲漢作什麼大云三世諸佛
被我一口吞盡何處更有衆生可度代復傳
語云勘破了也

雪峯領衆遊天台至涌泉臨行次泉把住轎
云這箇四人是那箇幾人是峯云道什麼泉
又問峯拍轎云行行別於幾人是處云莫鈍
置我於拍轎處別云客是主人相師

僧問雪峯學人來畫其機乞師畫峯良久僧
禮拜峯云若到諸方作麼生舉僧云某終不
敢錯峯云你未出門早錯了也別於僧云某

終不敢錯處云車不橫推

雪峯問投子此間還有人參否投子擲出鑊
峯云恁麼則當處掘去也投云不快漆桶代
拈鑊拋向背後

雪峯問投子龍眠路甚處去投以杖拄峯峯
云東去西去投云不快漆桶別峯接拄杖便
推倒

投子指石頭云三世諸佛總在裏許雪峯云
須知有不在裏許者投云不快漆桶別峯云
千石頭什麼事

南泉歸宗麻谷禮觀國師至中路泉於地畫
圓相云道得即去宗於圓相內坐谷作女人
拜泉云恁麼則不去也宗云是何心行別歸
宗云賊無種相鼓籠

米七師還鄉有老宿問云月夜斷井索時人

喚作蛇未審七師見佛喚作什麼米云若有
佛見即同衆生宿云十年桃核代老宿云泊
不問過

大隋問僧什麼處去僧云西山住菴去隋云
我向東山喚汝便來得否僧云不然隋云汝
住菴未得在代云和尚有什麼事

晏國師赴鼓山辭雪峯次峯云一隻聖箭子

射入九重城裏去也太原孚云未在待某勘
過始得至中路問云什麼處去晏云九重城
裏去孚云忽遇三軍圍困時如何晏云他家
自有通霄路孚云恁麼則離宮失殿去也晏
云何處不稱尊孚回見峯云聖箭子折了也

峯云甚麼處是箭折處孚舉前話峯云渠有
語在乎云這老漢終是鄉情代峯云你要勘
破鼓山已被鼓山勘破

僧到水潦乃畫圓相放潦肩上潦撥三下却
畫圓相指其僧僧禮拜潦打云這掠虛漢別
後語云我不與麼你却與麼棒了趁出

明招問僧側飛鷗子眼落在甚處僧展手云
還解變得麼招云放子三十棒僧云話在和
尚招乃集衆勘辨僧無語招乃打代便摑傍

僧

明招參次乃指座上回頭獅子云這箇尋常
爲什麼要向我恁麼道僧云什麼劫中和尚
尚恁麼道招云噫汝猶隔海在代云我不曉
吼和尚拾得口喫飯

雲門問洞山近離甚處山云查渡門云夏在
什麼處山云湖南報慈門云幾時離彼山云
八月二十五門云放你三頓棒山次日却上
問云昨日蒙和尚賜棒且過在什麼處門云

飯袋子江西湖南便怎麼去別後語云緊峭

草鞋

雲門問僧甚處來僧云徑山門云你因什麼五戒不持僧云某甲過在什麼處門云這裏不著沙彌別云未到雲門與你三十棒了也

卷十

三五

雲巖順世道吾問離却殼漏子向什麼處相見巖云不生不滅處相見別云三生六十劫僧問法燈百骸俱潰散一物鎮長靈未審百骸一物相去多少燈云百骸一物一物百骸別燈云直是天地懸隔

明招在招慶席坊打席慶見招失一目乃問

失幾時也招起身叉手云某甲不會慶云賴汝不會招云和尚作麼生會箇不會的慶休去別慶云饒你頂門上更著一隻也須教瞎雪峯云世界闊一尺古鏡闊一尺世界闊一

丈古鏡闊一丈玄沙指火爐云這箇闊多少峯云如古鏡闊別峯云流俗阿師

劉鐵磨到鴻山山云老猝牛汝來也磨云來日臺山有齋和尚還去否山放身作卧勢代山云好不丈夫

僧問魯祖如何是不言言祖云汝還有口麼僧云無祖云尋常將什麼喫飯僧無對代云不曾咬破一粒米

趙州一日從殿上過乃喚侍者一聲者應諾州云好一殿功德者無對代云一回拈起一

回新

佛日普照慧辨楚石禪師語錄卷第六

音釋

研 賦落切音 騰 移韋切音 徒侯切音 頭
燭 灼聲也 楊 謝揚也 殷 博陸采具
罩 陟教切音 婆 於鵠切音 櫛 古復切音 帽
鶴籠也 委飼也 櫛 批也 打也

𠙴 普火切 音
頗巨同 將以盧
物他舍切 活切驚入聲
也 貪遠取 指厯氣也
探他舍切 鍍獨故切

三六

三六